

SCRIPT OF MORNING GOJRI NEWS BULLETIN 4JUNE 2025 1015HRS

مارننگ گو جری نیوز بلیٹن مورخہ 4 جون 2025

یوہ آکا شوانی جموں ہے عبدالرحمان تیں خبر سُنو۔

LG PREPARATORY MEETING

وزیر اعظم نریندر مودی غو چناب پُل جہڑو دنیا غو سب تیں اوچو ریلوے پُل ہے غو افتتاح کرن تے وندے بھارت ریل سروس جہڑی کہ کشمیر نانہ کنیا کماری سنگ جوڑے گی غا آغاز غا سلسلہ مانہ 6 جون 2025 نانہ دورو متوقع ہے۔ وزیر اعظم غا اس دورہ غا تناظر مانہ لیفٹیننٹ گورنر منوج سنہا نے کل راج بھون سرینگر مانہ سنئیر انتظامی پولیس افسراں غے سنگ تیاری بارے میٹنگ غی صدارت کی میٹنگ مانہ چیف سیکرٹری ڈائریکٹر جنرل پولیس جموں کشمیر اے ڈی جی پی آر مڈ صوبائی کمشنر جموں آئی جی پی جموں تے دوجا سنئیر سول پولیس افسراں نے شرکت کی۔ لیفٹیننٹ گورنر نے اس سلسلہ مانہ تیاریاں غا بکھ بکھ پہلواراں ور گل بات کی۔ تے عوام تیں اپیل کی جے وے بڑی تعداد مانہ شرکت کریں تانجے یاہ تقریب یاد گار بن سکے۔

DY CM RESIDENT COMMISSION

نائب وزیر اعلیٰ سریندر چوہدری نے نویں دلی مانہ جموں کشمیر ریز پٹنٹ کمیشن مانہ عوامی کمان کاجاں بارے محکمہ غی ایک جائیزہ میٹنگ غی صدارت کی انہاں نے ٹہانچائی پروجیکٹاں مانہ پیش رفت غو جائیزو لیو جن مانہ چانکیہ پوری مانہ جے کے ہووس غا اضافی معیار بارے کم امرتسر مانہ گیسٹ ہووسز تے جموں مانہ سرکاری رہائش گاہ شامل تھیں انہاں نے محکمہ غی کوششاں نانہ سہاوتاں واں بر وقت تکمیل تے معیار غی پابندی ور زور دتو۔ نائب وزیر اعلیٰ نے مہمان نوازی غا معیار مانہ بہتری غی وی ہدایت دتی تانجے جے کے ہووسز جموں کشمیر غی گرمجوشی غی عکاسی کریں انہاں نے جموں کشمیر نانہ ایک محفوظ متحرک تے عالمی سطح ور ممتاز سیاحتی مقام غے طور ور فروغ دین نانہ ترغیب دتی تے اس بارے عملہ نانہ بطور صفر کم کرن بارے زور دتو۔

RAJOURI JSJB

جموں کشمیر واسطے ایک قابل فخر لمہو ہے کہ راجوری ضلع نے جل سنجائی جن بھاگے داری ابھیان غے تحت شمال مشرقی تے پہاڑی ضلعان غی قومی درجہ بندی مانہ دوجو مقام حاصل کیو ہے یاہ درجہ بندی پانی بچاؤ مہم بارش نانہ پکڑن غو حصو ہے جل شکتی محکمہ غا مرکزی وزیر سی آر پٹیل نے منگلوار نانہ منعقد قومی جائیزہ میٹنگ مانہ اس ضلع غی کوششاں نانہ سہرايو سرحد پار غی گولہ باری جیسی بہت ساری لکاراں غے باوجود راجوری نے 4 ہزار 214 تیں زیادہ زیر زمین پانی غا ذخائر تے پانی غا تحفظ غا ٹہانچاں غو جیو ٹیگ کیو یوہ اعزاز ضلع غی پانی غا تحفظ واسطے وابستگی نانہ ظاہر کرے تے اس نائل جل شکتی ابھیان غے تحت کمیونٹی ور مبنی کوششاں واسطے ایک قومی ماڈل غی طور ور پیش کرے۔

RANA MEETING

جل شکتی جنگلات حیاطیات ماحولیات تے قبائلی امور غا وزیر جاوید احمد رانا نے ایک اعلیٰ سطحی میٹنگ غی صدارت کی تانجے ماحولیاتی تحفظ قبائلی بہبود تے آبی وسائل غا انتظام غوجائیزو لیو جاسکے اُنہاں نے برسات غا موسم مانہ شجر کاری ور زور دتو خاص طور ور حساس علاقان مانہ جس مانہ کمیونٹی غی شمولیت شامل وے تے مٹی غا تحفظ بارے سانجھی کوششاں بارے کہیو مَل سڑک غے کنڈے پائیدار سیاحت ور زور دیتا واں اُنہاں نے ماحولیاتی سیاحت تے ٹریکنگ رساتاں غی ترقی غی ہدایت کی کیمپاں اُجرتاں مانہ تاخیر غو سنجیدگی سنگ نوٹیس لبتاں واں اُنہاں نے بروقت ادائیگی تے بہتر مالی نگرانی غی ہدایت کی وزیر موصوف نے پائیدار ترقی کمیونٹی غی قیادت مانہ تحفظ تے علاقائی سطح غا مسائل غا فوری حل واسطے حکومت غا عزم غی توثیق کی۔

GOJRI WRITERS CONFERENCE

قبائلی زبانان تے ادب غا فروغ واسطے فن ثقافت تے لسانیات بارے جموں کشمیر اکیڈمی نے گجر دیش چئیر ٹیبل ٹرسٹ جموں مانہ ایک روزہ گوجری لکھاڑی کانفرنس گو انعقاد کیو 100 تیں زیادہ مصنفین شاعراں تے فنکاراں نے اس مانہ شرکت کی تقریب مانہ منتقل ہوئی ثقافت ور مقالہ گوجری موسیقی تے یو ٹی سطح غا مشاعراں غی پیشکش شامل تھیں۔ اس کانفرنس غو مقصد گوجری زبان ثقافت تے ادب نانہ محفوظ رکھنو تے فروغ دینو تھو تے نال ہی اس غو مقصد قبائلی لکھاڑیاں غی نویں نسل غی رہنمائی وی تھو۔

IPL CRICKET

احمد آباد غا نریندر مودی سٹیڈیم مانہ گزشتہ روز رائل چیلنجر بنگلور نے پنجاب کنگز نانہ 6 رنز تیں شکست دے غت پہلو وار انڈین پریمر لیگ غی ٹرافی جیت لی۔ پہلی بلے بازی غی دعوت ملن تیں بعد آر سی بی نے مقررہ 20 اورز مانہ 9 وکٹ ور 190 رنز بنایا۔ ویراٹ کوہلی نے سب تیں زیادہ 43 رنز بنائے جدکہ کپتان پانڈیا نے 26 رنز بنایا پنجاب کنگز غی جانب تیں ارشدیپ سنگھ تے کائل جیمپسن دواں نے 3-3 وکٹ حاصل کی۔ جواب مانہ پنجاب کنگز مقررہ 20 اورز مانہ 184 رنز بنا سکی ششانک سنگھ نے ناقابل شکست 61 رنز بنایا۔ آر سی بی واسطے کروئل پانڈیا غا اسپیل گیم چینجر تھا کیونکہ انہاں نے اپنا 4 اورز مانہ صرف 17 رنز بنایا تے 2 اہم وکٹ وی لیں۔ اپنی غیر معمولی گیند بازی واسطے پانڈیا کوالی فائر آف دی میچ غو ایواڈ ملیو۔

PROG ANNOUNCEMENT

ریجنل نیوز یونٹ آکاشوانی جموں عالمی ماحولیاتی تہاڑا غا موقع ور ایک خصوصی پروگرام پیش کرے غو۔ یہ خصوصی نشریات 5 جون 2025 نانہ سویرے 9:30 بجے نشر کیو جے غو۔ اس پروگرام مانہ مہمان خصوصی وین گا پروفیسر یس پا شرما جیٹڑا جموں یونیورسٹی مانہ لایف سائنس نساب غا ڈین ہیں پروگرام غی میز بانی کریں غا مارا انکر شروتی کھجوریہ تے کنوال شریوٹسا ایسا ہور وی معلوماتی پروگراماں واسطے سُننا رہیو آکاشوانی نیوز جموں میڈیم ویو 990 کلو ہٹز تے ایف ایم 100.3 میگا ہٹز۔

ANNOUNCEMENT

علاقائی خبراں آلا شعبہ آکاشوانی جموں غی طرفوں ضلع کٹھوعہ واسطے عارضی نامہ نگاراں یعنی پی ٹی

سى واسطے درخواست منگى گئى هين۔مجوزہ پرفارمہ ور عارضى نامہ نگار غى پوست مانہہ دلچسپى رکهن
آلا ايسا اُميدوار درخواست دے سكين گا جهيڑا ضلع كٲهوعه گا بسنيك وين تے اُن غى عمر 24
برا تين
برا غے بشكار وے۔ پى ٲى سى غى اس پوست واسطے تعليمى قابليت پى جى ٲلومه يا 50
صحافت غا شعبه
مانہہ ٲگري يافر تسليم شده يونيورسٲى تين گرجویشن غے همراه 2 برا غو صحافت مانہہ تجربو
مقرر كيو گيو هے۔
اس تين علاوه كمپيوٲر تے ورٲ پروسيسنگ نالے خبر اكهٲى كرن آلا آلات تے ميٲيا كوريچ مانہہ
تجربو وى
ضرورى هے۔عارضى نامہ نگار غى پوست مانہہ دلچسپى ركهن آلا اُميدوار واسطے لازمى هے
جے ضلع صدر دفتر
كٲهوعه يا اس تين 10 كلو ميٲر غادائره غے اندر رهائش پزير وے اس سلسله مانہہ درخواست
غى هارٲ كاپى
ضرورى دستاويزات غے همراه بيٲ ريجنل نيوز يونٲ آكاشوانى پنجترتهى جمون مانہہ بزات خود
آئينده

جون توڑى دے سكين۔ اس بارے مزيد جانكارى ويب سائيٲ15

ور دستياب هے۔www.newsonair.gov.in
